



UNIVERSITÄTS-
BIBLIOTHEK
PADERBORN

Universitätsbibliothek Paderborn

Enchiridion Erasmi Roterodami Germani De Milite Christiano

Erasmus, Desiderius

Lypsi, 1516

VD16 E 2746

Contra aelationem tumoremq[ue] animi.

urn:nbn:de:hbz:466:1-33324

est simul atq; collubuit, hoc ipsum honoris quod largiuntur
 rursus auferre, ac te modo honestatum dehonestare. Proinde
 nihil stultius, q̄ talibus honoribus, vel gestire, quum contine-
 gunt, vel ringi/quum auferuntur. Quos veros non esse, vel
 hoc intelliges argumento, quod sunt cum pessimis & celera-
 tissimis cōmunes. Imo nullis fere contingunt copiosius, q̄ ijs
 qui sunt veris honoribus indignissimi. Cogita q̄ beata tran-
 quillitas modestæ priuataq; et ab omni superbicæ strepitu ses-
 motæ vitæ. Contra q̄ spinosa, q̄ plena curarum, periculorū,
 dolorum, vita potentium. Quā difficile secundis in rebus, non
 obliuisci sui. Quā arduum in lubrico stantē non cadere. Quā
 capitalis ex alto ruina. Omnē honorem cum summo onere
 coniunctum esse. Quā seuerum iudicium sup̄ami iudicis in
 eos futurum sit, qui hic sese in honoribus vsurpandis, ceteris
 anteposuerunt. Etenim qui sese demiserit, ei vt pusillo succur-
 ret misericordia. Qui vero sese vti spectatum erigit, is sibi ipsi
 gratiæ subsidium intercludit, Christi capitis exemplum semp̄
 animo inhereat tuo. Quid illo secundū sæculum ignobilius,
 despecti⁹, inhonorati⁹? Quā fugit honores etiā oblatos, q̄ q̄
 uis honore maior erat. Quam derisit asello sedens. Quā dam-
 nauit palla te ctus, & spinis coronatus. Quam non gloriosam
 mortem eligit. Sed quem mundus contempsit, hunc glorifica-
 uit pater. Tua gloria sit, i cruce Christi, in qua & salus est tua.
 Quorsum tibi humani honores, si te reijciat, despiciatq; de⁹,
 execrentur angeli?

Luc. 14

Ioan. 6

Ioan. 12

Gal. 6

¶ Contra ælationem tumoremq; animi.

Non intumesces animo, si iuxta tritissimū illud Adagiū cog-
 noris temetipsum, id est si quicquid in te magnum, quicquid
 pulchrum, quicquid præclarum, id dei munus, non tuū bonū
 esse ducas. Contra quicquid humile, quicquid sordidum, quic-
 quid prauū, id totū ad te solum referas. Si memineris, quantis
 in sordibus conceptus sis, quātis natus, q̄ nudus, q̄ inops, q̄
 brutus, q̄ miserandus in hāc lucem prorepseris. Corpusculū
 illud/quot vndiq; morbis, quot casibus, quot erumnis expo-

Superbiæ reme-
dia.

litum sit. Immanem istum gigantem & immenso turgentem spiritu, quantula res possit repente conficere. Expende & illud, cuiusmodi sit illud, unde tibi places. Si mediū, stulticia est, si turpe, dementia, si honestum, ingratitude. Memineris nullū aliud esse certius stoliditatis insipientiæq; documentum, q̄ si quis sibi vehementer placeat. Præterea nullum stulticiæ gen⁹ esse deploratius. Si turgescit animus, quod se tibi submitit homuncio, cogita, quanto maior, quantoq; potentior tuo immineat capiti deus, qui omnem cervicem elatam deprimit, & omnes colles in plana deducit, qui nec angelo quidem superbi-
bienti pepercit. Conducent & illa, licet leuiora, si te semper cōponas cum præstantioribus. Places tibi de forma corporis, cōfer te cum ijs qui te forma præcedūt. Cristas erigit tibi doctrina, ad eos refer oculos, ad quos tu nihil didicisse videaris. Deinde si reputaris, non quantum adsit bonorum, sed quantum desit, & cum Paulo oblitus eorum quæ a tergo sunt, enitaris ad ea quæ a fronte restant. Præterea non inscitum fuerit & illud, si afflante superbiæ vento, mox nostra ipsorum mala vertamus in remediū, quasi venenum veneno pellentes. Id ita fiet, vbi si quod ingens corporis vitium, si quid insignis incōmodi nobis vel fortuna dedit, vel attulit stulticia, quod animū vehementer mordeat, id ante oculos statuamus, & patonis exemplo/ea nostri parte nosmetipsos potissimum contem-
plemur, qua sumus deformatissimi, ita fiet, vt statim subsident criste. Ad hæc, præterq̄ quod non aliud vitium deo inuisus, est & apud homines in primis vbiq; odiosa/ atq; irrita arrogantia, quum contra modestiā, & diuinum fauorem cōciliet, & hominum beneuolentiā adglutinet. Ergo vt summam dicam, duo præcipue prohibebunt a superbia, si consyderes quid ipse sis in te, putredo in exortu, bulla in omni vita, esca vermiū in morte, & quid Christus factus sit pro te.

z. pet. 2
Eia. 40.

Phil. 3

Notabene,

¶ Aduersus iram, & vindictæ cupiditatem

Iracundiæ res
media

Quum te vehemens animi dolor / ad vltionem extimulat,